

ICFP Polítika Protesaun Labarik no Ema Vulnerável (Polítika ProtesaunSeguransa)

Sumáriu: Institutu iha kompromisu atu aseguira katak ema hotu-hotu iha hahalok apropriadu ho labarik sira no ema vulnerável sira seluk ne'ebé hetan kontaktu ho ema sira-ne'e iha Institutu nia laran ka liur.

Polítika: ICFP iha kompromisu atu proteje seguransa no moris-di'ak labarik sira-nian no ema vulneravel sira seluk ne'ebé partisipa iha Institutu nia programa no atividade sira ne'ebé iha relasaun, tantu iha kampus laran ka fora, ka uza facilidade sira kampus nian ba atividade sira inklui, maibé la limita ba, esperiênsia profisionál no atividade akadémika, peskiza no desportu sira iha Institutu nia li'ur.

Definisaun Atividade sira: Kualkér programa ka atividade sira ne'ebé aprova hosi ICFP, iha kampus laran ka fora, ba durasaun ne'ebé responsabilidade ba kuida, kontrolu, no supervizaun ba labarik sira, no ema vulneravel sira seluk, kaer hosi Institutu.

Definisaun ba ema sira: Ema ruma ne'ebé maka responsavel ba kuida, kontrolu, no supervizaun ba labarik sira, no ema vulneravel sira seluk, ne'ebé maka:

1. Funsionáriu ida husi ICFP
2. Estudante ida husi ICFP
3. Voluntáriu ida iha ICFP
4. Vizitante ruma ba ICFP

Definisaun ba Labarik (Menór): Individu ida ho idade menus hosi tinan 18, ne'ebé partisipa iha atividade ruma hosi ICFP.

Definisaun Ema Vulnerável: Ema vulneravel mak ema ne'ebé fasil atu hetan kanek ka esplorsaun. Vulnerabilidade bele fíziku, mentál, ka emosionál.

Definisaun kona-ba Abuzu:

- **Abuzu Fíziku** mak kontaktu fíziku ho labarik, ka ema vulneravel, husi membru pesoál ka estudante sira iha ICFP ka ema seluk ne'ebé iha asosiasaun ho Institutu, inklui, sona, baka, doko, soe, tebe, tata no sunu ka orienta labarik, ka ema vulneravel, atu hala'o atividade fíziku ne'ebé ho intensaun atu kauza kanek fíziku.
- **Abuzu Emosionál** mak abuzu ne'ebé deliberadamente uza linguajen hodi hatun, izola no hatun labarik ka ema vulneravel ida no atu halakon sira-nia auto-estima. Ida-ne'e inklui abuzu morál ne'ebé hafoer humanidade labarik ka ema vulneravel nian.
- **Abuzu Seksuál** maka halo ofensa seksuál ho labarik, ka ema vulneravel, no/ka enkoraja ka promove dezempeñu seksuál husi labarik ka ema vulneravel. Ofensa seksuál sira inklui hahalok seksuál ne'ebé laloos, violasaun, hahalok seksuál kriminozu, kona labarik ka adulto ne'ebé la apropriadu.

Konduta ne'ebé bandu :

Ema ida, hanesan deskreve iha leten, labele:

1. Hela mesak ho labarik ka ema vulnerável exetu ema ne'e parente ka tutela.
2. Envolve iha abuzu fíziku, emocionál ka seksuál hasoru labarik, ka ema vulneravel, no la uza linguajen ka hahalok hasoru labarik ka ema vulneravel, ne'ebé maka asédiu, abuzivu, provokativu seksuál, degradante ka la apropriadu kulturalmente.
3. Envolve iha uzu alkol ka droga ilegál sira, ka iha influénsia alkol ka droga ilegál sira durante atividade sira Institutu nian.
4. Enkoraja uzu alkol ka droga ilegál husi labarik ka ema vulneravel ida.
5. Kontaktu labarik ida, ka ema vulneravel ida, liuhosi média eletróniku ho objetivu atu envolve iha hahalok ne'ebé bandu, inklui hahalok seksuál.
6. Oferece ka halo presente ba labarik, ka ema vulneravel, ho objetivu atu envolve iha hahalok ruma ne'ebé bandu, inklui hahalok seksuál.
7. Uza kastigu fíziku ba labarik sira, ka ema vulnerável sira, iha kontestu serbisu nian.
8. Uza kualkér komputadór, telemovel, kámara vídeo, ka média sosiál atu explora ka asédiu labarik sira, ka ema vulneravel sira, ka asesu ba materiál esplorasau labarik nian liuhosi meu saida de'it.

Uza média ho labarik sira: Liuliu, trata labarik hotu-hotu no ema vulnerável sira ho respeito. Bainhira filma ka uza ema nia imajen sira ba objetivu sira ne'ebé relaciona ho serbisu:

- Bainhira de'it posivel, asegura katak adultu seluk presente bainhira serbisu besik labarik no ema vulneravel sira.
- Kuidadu atu asegura katak tradisaun lokál sira ka restrisaun sira ba reproduisaun imajen pesoál sira kumpre molok hasai fotografia ka filmajen.
- Hetan konsentimentu informadu husi inan-aman ka tutela ida molok hasai fotografia ka filmajen ba labarik ka ema vulneravel ida. Tenke fó esplikaun kona-ba oinsá sei uza fotografia ka filme ne'e.
- Asegura katak fotografia, filme, no vídeo sira apresenta labarik no ema vulnerável sira iha maneira ida ne'ebé dignu no respeito no la'ós iha maneira ida ne'ebé vulnerável ka submisaun. Labarik sira no ema vulnerável sira tenke hatais ho adekuaun no la'ós iha pose sira ne'ebé bele haree hanesan sugestivu seksuál.
- Asegura katak imajen sira maka representasaun onestu hosi kontestu no faktu sira.
- Asegura katak rótulu arkivu nian, meta dadus ka deskrisaun testu nian la revela informasaun identifikaun nian kona-ba labarik ka ema vulneravel ida bainhira haruka imajen sira ho eletróniku ka publika imajen sira iha forma ruma

Informasaun no formasaun ba funionáriu no estudante sira:

1. Iha inísiu tinan ida-idak sei iha loron dezvoltimentu profisionál ba pesoál hotu-hotu iha ICFP. Ida-ne'e sei inklui revizaun ida kona-ba saida mak hanorin iha formasaun inisiál no avaliasaun ida kona-ba Polítika Protesaun ICFP ida-ne'e no mós rekomendasaun sira ba implementasaun tuirmai, inklui prosesu ida ba relatóriu.
2. Estudante sira sei iha lisaun sira molok sira nia kolokasaun prátika nian ne'ebé informa sira kona-ba detalhe sira polítika nian no Institutu nia espetativa sira kona-ba sira nia hahalok durante prátika.
3. Polítika ida-ne'e sei inklui iha Lisensiatura Ensinu no Manuál Lisensiadu sira nian kada tinan no esplika durante programa orientasaun estudante sira nian.

Triajen ba Rekrutamentu: Iha momentu aplikasaun ba pozisaun ida iha ICFP, kandidatu sira tenke fornese karta rekomendasaun ida hosi Polisia Nasionál RDTL (Dili ka Baucau), ne'ebé estabeselese katak ema ne'e iha konduta di'ak no laiha rejistu kriminál, partikularmente kona-ba labarik no ema vulneravel sira.

Kontratu sira ba Funionáriu sira

1. Kontratu hotu-hotu atu inklui akordu ida atu tuir Polítika Protesaun Labarik (ka vulnerável) ICFP nian iha tempu hotu-hotu, tantu iha ICFP nia laran ka liur.
2. Funionáriu sira sei la hetan lisensa atu serbisu ho labarik sira ka ema vulnerável sira bainhira iha risku potenciál sira ne'ebé identifika ona.
3. Ema ida bele n hetan suspensaun ka transfere ba knaar sira seluk se sira iha investigasaun nia laran tanba viola Polítika Protesaun Labarik (ka ema vulneravel) ICFP nian, ka hetan demisaun se hafoin investigasaun hetan katak ema ida viola ona Polítika ICFP nian.

Labarik (no ema vulnerável sira) Protesaun Risku Revizaun sira.

1. Hanesan parte ida hosi revizaun ba polítika kada tinan rua, Komité Ezekutivu sei inklui avaliasaun ida ba atividade hotu-hotu ICFP nian ba risku ruma ba labarik sira ka ema vulneravel sira. Ida-ne'e sei inklui supervizaun ba estudante sira durante prátika no estájiu sira.
2. Funionáriu/voluntáriu hotu-hotu tenke fornese verifikasaun antededente kriminál. Relatóriu ida-ne'e sei tau iha funionáriu nia arkivu pesoál.

Konduta ne'ebé prezisa hosi pesoál ICFP hotu-hotu:

1. Foti medida hotu-hotu ne'ebé razoavel atu prevene abuzu fíziku, emosionál ka seksuál hasoru labarik ka ema vulneravel.

2. Relata kedas ba Diretór ka Adjuntu Diretór sira kualkér suspeitu ba abuzu fíziku, emocionál ka seksuál hasoru labarik ka ema vulneravel. Informasaun ida-ne'e bele mai hosi labarik ida, ema vulneravel ida, inan-aman ida, profesór ka estudante ida iha ICFP ka profesór ida hosi eskola ida ne'ebé funsionáriu no/ka estudante sira hosi ICFP presente.

3. Relatóriu sira tenke verbál iha instánsia dahuluk, tuir fali ho relatóriu eskrita hosi ema ne'ebé simu relatóriu no asina hosi ema (sira) ne'ebé halo relatóriu. Iha tempu hotu-hotu ema ne'ebé relata sei hetan respeitu no protesasaun iha termu diskusaun ruma aleinde ema sira ne'ebé envolve. Bainhira relatóriu eskrita ida kompleta ona, pasa ba komisaun ezekutiva Institutu nian no tuirmai kópia ida fó ba estasaun Polísia Baucau, karik iha fundamentu atu halo investigasaun liután.

4.Fó relatóriu verifikasaun kriminál husi Polísia Nasionál Timor Leste (Dili ka Baucau) atu tau iha sira-nia arkivu pesoál, no fó sai kedas akuzasaun hotu-hotu, kondenasaun ka rezultadu seluk husi ofensa ruma ne'ebé iha relasaun ho abuzu ka esplorasaun, inklui sira ne'ebé tuir lei tradisionál.

Diretór nia knaar sira:

1. Konfirma katak rekizitu sira hosi polítika ne'e komunika ona ba ema hotu-hotu ne'ebé maka lista iha leten.

2. Relata kedas ba polísia kualkér alegasaun kona-ba abuzu fíziku, emocionál ka seksuál hasoru labarik ka ema vulneravel.

3. Hola parte iha kualker diskusaun ne'ebé envolve ema husi ICFP hanesan lista iha leten.

4. Garante katak revizaun sira ba Polítika ida-ne'e kontinua inklui eziyénsia sira hosi Polítika Marista Protesaun Labarik nian, Governu Timór nia Polítika Ministériu Ensinu Superiór nian (16 Juñu 2024) no Polítika hosi PHD no Governu Austrália nian.